



月令通攷卷之十一

潁人盧翰子羽輯

同邑王道增益甫閱

元嗣晉伯進訂

九月

天道

季秋之月日在房昏虛中旦柳中

月令

其月建戌其辰大火房在卯大火之次也

其日庚辛其帝少皞其神蓐收其蟲毛其音商律中

無射其數九其味辛其臭腥其祀門祭先肝

月令

無射戌律長四寸六千五百六十一分寸之六千

五百二十四

鴻鴈來賓爵入大水為蛤鞠有黃華

月令

此記戌月之候鴈以仲秋先至者為主季秋後至者為賓如人之先登者為主後登者為賓也蓋大曰鴻小曰鴈先來者鴻也主也後來者鴈也賓也謂八月來者是其父母九月來者是其子未必然爵即雀小鳥也一名黃雀蓋物之淫者九月雀入水否則多淫泆蓋酒善使人淫泆酒一升曰爵故雀所以名爵亦此義也蛤蚌也蚌孚乳以秋大水海水也為蛤飛物化為潛物也不言化者不復化

為雀也蚌蛤無陰陽牝牡須雀鶴以化故蚌之入者能生珠專一於陰也鞠今之秋華菊菊有兩種一種莖紫氣香而味甘葉可作羹而食者為真一種莖青而作蒿艾氣味苦不堪食者名苦蕒非真也一名節華一名日精一名女節一名女華一名女莖一名更生一名周盈一名傳延年一名陰成菊近也有二十餘種惟單葉花小而黃綠葉色深小而薄應候而開者所謂菊有黃華者是也

豺乃祭獸戮禽草木黃落蟄蟲咸俯在內皆墮其戶

月令

豺柴也豺體細瘦故謂之豺脚似狗貪賤之獸季  
秋取獸向西方布而陳之以祭之於天故先王候  
之以田戮禽者殺之以食也禽者鳥獸之總名俯  
垂頭也內穴之深處也墜塞也言蟄蟲俯首而藏  
於穴之深處塗閉其戶也仲秋坏戶至此又墜戶  
其知候如此

九月內火遘鴻鴈主夫出火陟玄鳥蟄熊羆貉麋  
麋則穴辰繫于日雀入于海為蛤夏小正

內火火大火也心星也遘鴻鴈遘往也主夫出火  
主以時縱火也陟玄鳥蟄陟升也玄鳥鸞也先言

陟而後言蟄陟而後蟄也能羆羆貉麋則穴若  
蟄也辰繫于日雀入于海為蛤盖有矣非常入也  
寒露之日鴻鴈來賓又五日爵入大水為蛤又五日  
鞠有黃華汲冢周書

此月陰氣轉盛故露凝而厚其氣愈寒乃九月之  
節也餘見月令

霜降之日豺乃祭獸又五日草木黃落又五日蟄蟲  
咸俯汲冢周書

霜喪也其氣慘毒物皆喪也自八月陰氣始至故  
云白露及九月陰氣漸盛故云寒露至是月半陰

氣愈盛凝為霜故曰霜降乃九月之中氣餘見今月  
秋分加十五日斗指辛則寒露音比林鍾加十五日  
指戌則霜降音比夷則淮南子天文訓

寒露日日在軫十六度日出卯正一刻入酉初三刻  
晝四十八刻夜五十二刻霜降日日在角十度日出  
卯正二刻入酉初二刻後十二日日纏大火之次入  
卯氏三度晝四十六刻夜五十四刻通書

寒露九月  
節日出入  
并晝夜長  
短之圖



霜降九月  
中日出入  
并晝夜長  
短之圖

無射戌之氣也九月建焉而辰在大火  
慎而至之觀象也君子尚消息盈虛天行也  
剝卦象傳本義云五陰在下而方生一陽在上而  
將盡陰盛長而陽消落九月之卦也

九月肅霜

肅霜氣肅而霜降也

辰角見而雨畢天根見而水涸本見而草木節解駟  
見而隕霜火見而清風戒寒國語

辰角大辰倉龍之角角星名也見者朝見東方建  
戌之初寒露節也雨畢者殺氣日盛雨氣盡也天

根亢氏之開也涸竭也謂寒露雨畢之後五日天  
 根朝見水潦盡竭也月令仲秋水始涸至是天根  
 見乃盡竭也本氏也謂寒露之後十日陽氣盡草  
 木之枝節皆理解也駟天駟房星也隕落也謂建  
 戌之中霜始降也火大火心星也清風戒寒謂霜  
 降之後清風先至所以使人為寒備也

四時代謝以霜收殺春秋考異

季秋霜始降鷹隼擊春秋感精符

治法

天子居總章右箇乘戌路駕白駱載白旂衣白衣服

白玉食麻與犬其器廉以深月令

總章右箇西堂北偏也

季秋天子居所明堂圖



是月也申嚴號令命百官貴賤無不務內以會天地之藏無有宣出

月令

務內謂專務收斂諸物於內會合也合天地閉藏之令也宣出則悖令

乃命冢宰農事備收舉五穀之要藏帝籍之收於神倉祇敬必飭

月令

農事備收百穀皆斂也要其租賦所入之數籍田所收歸之神倉將以供粢盛也祇謂謹其事敬謂一其心飭謂致其力也

是月也霜始降則百工休乃命有司曰寒氣總至民

力不堪其皆入室

月令

總至凝聚而至也以寒氣之至則民力或有所不堪勝故命之皆入室以禦之焉詩曰入此室處書言厥民隩皆冬之事此言於季秋亦先期而命之爾於夏言處臺榭此言入室亦順陰陽之理也

上丁命樂正入學習吹

月令

吹主樂聲而言

是月也大饗帝嘗犧牲告備于天子

月令

仲夏大雩祈也此月大饗報也

合諸侯制百縣為來歲受朔日與諸侯所稅於民輕

重之法貢職之數以遠近土地所宜為度以給郊廟之事無有所私月令

天子總令諸侯各敕百縣為來歲受朔日與稅法貢數各以遠近土地所宜為度以給上之事而不可有私也言郊廟者舉重也

是月也天子乃教於田獵以習五戎班馬政月令

教於田獵謂因獵而教以戰陳之事習用弓矢及矛戈戟之五兵班布乘馬之政令其毛色之同異力之強弱各以類相從也

命僕及七騶咸駕載旌旒授車以級整設于屏外司

徒摺扑北嚮以誓之月令

僕戎僕也天子馬有六種各一騶主之并總主六騶者為七騶也皆以馬駕車又載折羽之旌龜蛇之旒既畢而授車于乘者以尊卑為等級各使正其行列向背而設于軍門之屏外於是司徒插扑于帶於陳前北面誓戒之此時六軍皆向南而陳也扑即夏楚二物也以示有事於教無事於刑也天子乃厲飾執弓挾矢以獵命主祠祭禽于四方命天子戎服而嚴厲其威武之飾親用弓矢以殺禽獸蓋以祭奉祀之物當親殺也獵竟則命典祀之

官取獵地所獲之獸祭于郊以報四方之神

是月也乃代薪為炭

月令

備禦寒也

乃趣獄刑毋留有罪

月令

刑於罪相得即決之以奉天威之方至留而不決

亦悖時令也

收祿秩之不當供養之不宜者

月令

收如漢法收印授之收謂索之使還各依本等祿秩不當謂不應得而恩命濫賜之者供養膳服之具也不宜謂侈僭踰制者此亦順秋令之嚴肅也

是月也天子乃以犬嘗稻先薦寢廟

月令

霜殺伐之表季秋霜始降鷹隼擊王者順天行誅以

成肅殺之威

春秋感精符

豺祭獸然後田獵草木零落然後入山林昆蟲未蟄不以火田不麝不卵不殺胎不殀天不覆巢

王制

獸陽物也其質秉陰而成秋為陰中獸於此時可取故豺祭獸而田獵者因以為獸之候也麝獸子之通稱殀斷殺之也天禽獸之稚者此數者皆田之禮順時序廣仁意也

司裘季秋獻功裘以待頒賜

周禮天官

功裘卿大夫所服

司燿季秋内火民亦如之

周禮夏官

火所以用陶冶民隨國而為之九月昏時心星伏在辰上使民内火

霜降祭旗纛

吾學編

雨畢而除道水涸而成梁草木節解而備藏隕霜而冬裘具

國語

道塗路也梁橋梁也備收藏也孟冬天子始裘故

九月可以具之

九月除道

夏令

歲十一月徒杠成

孟子

周十一月夏九月也徒杠可通徒行者

季秋行大嚮禮于南郊大嚮殿

大明會典

地利

祭鞠樹麥

夏小正

鞠草也鞠祭而樹麥時之急也

寒露收茶子苧蔴熟時收子晒乾以濕沙拌勻筐内盛貯

用草蓋覆凍損則不生候來年二月間依法種之栽諸般冬菜栽時每顆根下須用熟糞移栽並在

寒露前

刈紫草子熟即刈之晒乾打子濕則沤耙樓要整理  
收草宜速遇雨則損每一小束茅草束之當日斬齊  
一顛一倒十層堆架平地上以格石壓令匾於屋下  
陰涼處棚上頃放勿令烟薰芝麻稈收入米倉內則  
米不蛀乾晒可點火收栗和殼用砂缸內盛頃種時  
揀大栗埋屋簷下用糠沙蓋石壓至二月移以茅向  
下栽之

收茄種摘取擘破水淘子取沉者晒令乾收之  
收諸色豆稈冬間可餵牛馬損爛者留以種芋頭及

山藥

收五穀種揀擇好穗刈之晒乾打下簸去浮秕以穰  
草裹收勿貯器中亦不得近墻壁濕地恐沤損

種油菜宜肥地種之以水頻澆灌十月種則無根脚  
藏薑種以穀稈糠粃合理之掘深窖則不致凍損

以上農桑撮要

種蒜以九月初于菜畦中稠栽蒜瓣候來年春二月  
先將地熟鋤數次每畝上糞數十担再鋤耙勻持木  
棚插一竅栽一株栽遍或無雨常以水澆至五月大  
如拳極佳

多能鄙事

種花常以九月取角屑硫黃礪如麵拌細土挑

動花根壅入土一寸出土三寸地脉既暖立春漸

有花蕾生如粟粒即掐去惟留中心一莖氣聚故花

肥至開時大如盆面可愛云便民纂要

拒霜花樹叢生葉大而其花甚紅九月霜降時開故

名拒霜錦繡萬花谷

狗脚跡生霜降時葉如狗印故名熟食可療饑野草譜

民用

季秋務畜菜月令

九月授衣幽風七月篇

九月霜降始寒而蚕績之功亦成故授人以衣使

禦寒也

九月築場圃幽風七月篇

場圃同地物生之時則耕治以為圃而種菜茹物

成之際則築堅之以為場而納禾稼廬陵彭氏曰

築場于圃地地無遺利也

九月叔苴采荼薪樗食我農夫幽風七月篇

叔拾也苴麻子也拾取麻子以供食也荼苦菜也

樗惡木也其木最無用莊子所謂大本不中繩墨

小枝不中規矩者也故但可取之以為薪耳

霜降而婦功成嫁娶行

家語

季秋霜降嫁娶者始此也

季秋祭禰前一月下旬卜日前三日齋戒前一日設位陳器具饌厥明夙興設蔬果酒饌質明盛服詣祠堂奉神主出就正寢叅神降神進饌初獻亞獻終獻侑食闔門啓門受胙辭神納主徹饌

家禮

禰父廟也季秋成物之始亦象其類而祭之其禮並如時祭之儀祝文云維年歲次月朔日辰孝子某官某敢昭告于顯考某官府君顯妣某封某氏今以季秋成物感時追遠昊天罔極謹以清酌庶

羞祗薦歲事尚饗

秋薦以九月九日秋薦豚黍以新黍粟米炊飯饌侑蒸豚祭儀見五月下祭文云伏以農夫之慶百穀用成黍稷馨香適當時薦謹以重九祗率嘗事致嚴斯格仰冀鑒歆尚饗

孫氏薦  
嚮儀範

收鷄種以霜降時收者為良形小毛淺脚細短者佳小雞出時宜餒乾飴若餵濕飴臍生膿而死燒柳柴其烟損雞大者目盲小者多死餒小麥飯則易大有病灌清油則愈勿令失其時

農桑撮要

蒜茄法深秋時摘小茹去蒂揩淨用常醋一碗水一

碗合和煎微沸將茄煤過控乾搗蒜并鹽和冷定醋水拌勻納磁罈中

香茄法取新嫩者切三角塊沸湯煤過稀布包榨乾醃一宿曬乾用薑絲橘絲紫蘇拌勻煎滾糖醋溼曬乾收貯

收藏瓜茄法用淋過灰曬乾埋瓜茄于內冬月取食如新以上便民圖纂

藏石榴法選大者連枝摘下安新瓦缸內以紙十餘重密封蓋之便民圖纂

藏栗子法霜後取栗投水盆中去浮者餘用布拭乾

晒令去水用新瓶罐先將沙炒乾放冷以栗裝入沙栗層疊約滿八九用箬一重蓋覆以竹簍按定掃一淨地將瓶倒覆其上畧以黃土封之不宜近酒氣可到來春不壞便民圖纂

收藏核桃法以籠布袋盛掛當風處則不膩收松子亦用此法便民圖纂

醃韭菜法霜前取無黃稍肥韭淨洗控乾於磁瓶內鋪韭一層糝鹽一層醃二三宿翻數次裝入瓶用元鹵加香油浸之多能鄙事

凡收梨橘柑橙切不可近酒及粳米近之必爛多能鄙事

醬茄法九月間將好嫩茄去蒂酌量用鹽醃五日去  
水別入市醬醃五七日其水盡去揩乾曬一日方可  
入好醬內便民圖纂

製冬瓜煎法取經霜老冬瓜去皮用近皮肉切片沸  
湯焯過放冷以石灰湯浸一宿去灰水以蜜放銀石

器內熬熟下瓜片煎數沸漉出別用蜜煎候瓜色微  
黃傾出待冷以磁確收煉密養之多能鄙事

製栗子法栗肉一斤鹽水一宿曬乾入新甕內用白  
密五斤椒皮一兩文武火燒一夜明日早收入糖二

斤再燒候冷別器收之多能鄙事

製木瓜法去皮穰用鹽醃戴草少許作邑控乾入瓶  
以糖層層間放微火燒一宿收之多能鄙事

藏橘橙法鋪乾松毛中收類不近酒處多不壞多能鄙事  
又法柑橘橙藏綠豆中不近酒氣不壞多能鄙事

製枸杞茶法深秋採紅枸杞子同乾麵拌和成劑捏  
作餅暴乾研細每末二兩用江茶一兩和勻入煉化

酥油三兩旋添湯攪稠入鹽少許待乾貯藏煎飲佳

多能鄙事

菊花酒法以菊花舒時併採莖葉雜秫米釀之至來

年九月九日台熟西京

又方凡酒醅將熟時每缸取甘菊花二斤去萼蒂入醅攪勻次早榨則味香美但一切有香無毒之花做

此用之皆可

便民圖纂

醃芥菜取紫青白芥菜切細於沸湯內焯過帶湯撈於盆內與生蒿苣同熟油分花或芝蔴白鹽約量拌勻按於甕內熟則攪動按下待二三日變黃色可食至春間味不變十月亦可醃

醃藏諸般菜葱韭胡荻冬瓜茄子胡蘿蔔等菜可依時候醃藏所可料宜者為佳忌生水生濕器收貯

以上居

酒蟹法九月間揀肥壯者十斤用炒鹽一斤四兩好白礬末一兩半先將蟹洗淨用稀篾籃封貯懸當風處以蟹乾為度用好醅酒五斤拌和鹽礬入蟹其中良久取出每蟹以花椒一粒納臍內入磁瓶實捺收貯更用花椒糝其上包瓶紙花上用韶粉一粒箬紮泥固取時忌燈或用好酒破開臘糟拌鹽礬亦得糟伍斤

便民圖纂

醬蟹法九月間取團臍百枚洗淨控乾臍內滿填鹽用線縛定仰疊入磁器中法醬二斤研渾椒一兩好酒一斗拌醬椒勻澆浸令過蟹一指酒少再添密封

又方凡酒醅將熟時每缸取甘菊花二斤去萼蒂入醅攪勻次早榨則味香美但一切有香無毒之花做

此用之皆可便民圖纂

醃芥菜取紫青白芥菜切細於沸湯內焯過帶湯撈於盆內與生蒿苣同熟油分花或芝蔴白鹽約量拌勻按於甕內熟則攪動按下待二三日變黃色可食至春間味不變十月亦可醃

醃藏諸般菜葱韭胡荻冬瓜茄子胡蘿蔔等菜可依時候醃藏所可料宜者為佳忌生水濕器收貯

以上居家必用

酒蟹法九月間揀肥壯者十斤用炒鹽一斤四兩好

白礬末一兩半先將蟹洗淨用稀篾籃封貯懸當風

處以蟹乾為度用好醅酒五斤拌和鹽礬入蟹其中

良久取出每蟹以花椒一粒納臍內入磁瓶實捺收

貯更用花椒糝其上包瓶紙花上用韶粉一粒箬紮

泥固取時忌燈或用好酒破開臘糟拌鹽礬亦得糟

伍斤便民圖纂

醬蟹法九月間取團臍百枚洗淨控乾臍內滿填鹽

用線縛定仰疊入磁器中法醬二斤研渾椒一兩好

酒一斗拌醬椒勻澆浸令過蟹一指酒少再添密封

泥固冬二十日可食便民圖纂

淹蟹法取大團臍百枚洗淨控乾經宿用鹽二兩半

麥黃末二兩半仰疊蟹于瓶中以好酒一升同物料

傾入餅半月熟用白芷末二錢其黃易結忌燈火照

之又蟹殼存之治產後兒枕疼家塾事親

棧羊法向九月初買腓羯羊多則成百少則不過數

十羴初來時與細切乾草少着糟水拌經五七日後

漸次加磨破黑豆稠糟水拌之每羊少食不可多與

與多則不食可惜草料又不得肥勿與水喫水則

退腓溺多可一日五六次上草不可太飽太飽則有

傷少則不飽不飽則減腓欄貴常淨一年之中勿餵

青草餵之則減腓破腹不肯食枯草矣便民圖纂

造乾地黃法九月末掘取肥大者去鬚熟蒸微曝乾

又蒸又曝食之如蜜可停久遠志懷錄

瓜瓜兒深秋採之日乾和穀煮食如粉清香可愛王

鴻漸謠云瓜瓜兒生水湄却似瓦松初出時須知可

食不可棄不能療瘵能療饑野菜譜

攝生

九月王始裘夏小正

王始裘者何也衣裘之時也

剝五陰之卦斗柄建戌之月也陽氣衰減喻身中陰符將盡而功無所施夫火生于寅旺于午敗於戌者閉物之時也秘丹方

其月肝臟氣微肺全用事宜增酸以益肝氣助筋血

法天生意

其月末一十八日有甘增醜以養胃氣

法天生意

其月採太乙餘糧久服耐寒暑不饑輕身

本草

野鴨九月已後即中食全勝家者雖寒不動氣又身

上小熱瘡多年不愈者但多食之即差

食療本草

凡棗用九月採日乾補中益氣久服神仙

本草

是月勿食薑損目勿食血脾乃是季月土旺在脾故也

是月勿食犬肉傷人神氣

是月勿食霜下瓜成翻胃血必冬發

是月勿食生葵菜令人飲食不化發宿病

是月勿食生冷以防痢疾

是月勿食諸薑成痢疾

是月勿食小蒜傷神損壽魂魄不安

是月勿食蓼子損人志氣

是月勿食鴉雉等肉損人神氣

是月勿食鷄肉令人魂魄不安魄散

是月勿食猪肝和錫同食至冬成嗽病經年不得瘥

九月九日取蒼耳法見五月

九月九日遇道士得生氣忌塚門之徒

治風眩旋風九月九日取菊花暴乾為末用糯米一

斗蒸熟為飯以菊花末五兩拌入飯內如常醞法用

細麵曲末為酒候熟壓之每日煖飲一二杯大効

是月又取菊花作枕袋枕之治頭項強不能顧視大

良以上法  
天生意

九月九日以菊花釀酒甚香且治頭風家塾  
事親

九月九日天欲明時以片糕搭于小兒頭上乳母祝

云自此百事皆高歲時  
記

九月九日採甘菊花治頭風目眩去積熱利五臟野

生苦菊不堪用食療  
本草

十六日宜拔白

二十日宜齋戒沐浴淨念必得吉事天祐人福雞三

唱時沐浴令人辟兵

二十一日取枸杞煎湯沐浴令人光澤不病不老其

日謂之天倉開日宜入山修道

二十八日陽氣未伏陰氣既衰宜沐浴服夾衣進補

養之藥

以上法  
天生意

月忌夫婦戒容止犯者減壽朔望日各減十年晦日  
減一年初八日上弦二十三日下弦各減五年庚申  
甲子本命減二年二十八日人神在陰切宜忌之

法天  
生意

九月上戌採枸杞子十月上亥治服之

歲時  
記

治遠年近日一切中風卧床口眼喎邪時時吐涎諸  
病仙方云修養長生保命莫切于此五月五日六月  
六日九月九日採豨蓀草俗將豨字誤作猪蓀字作  
臭字謂之猪屎菜即白花菜是也凡取此草須用竹

刀切忌犯鐵器既取去根花實淨洗莖葉暴乾入甑  
中洒酒與密蒸又曝如此九次氣味極香為未煉密  
丸桐子大空心温酒或米飲下二三十丸服至百服  
眼目明千服鬚髮黑筋力健効驗多端

法天  
生意

治飲酒不醒取九月九日菊花末水調服一二錢大

効

法天  
生意

消吉

自寒露九月節後天道南行宜向南行宜修造南方  
月厭在寅月殺在丑天德在丙月德在丙月合在辛  
月空在丙丙辛壬上宜修造取土吉

寒露後太陽尚在辰天罡為天月將授時曆某日時  
刻日躔壽星之次宜用艮巽坤乾時霜降後某日太陽  
始過卯大衝為天月將授時曆某日時刻日躔大火  
之次宜用癸乙丁辛時

日吉 天赦戊申 母倉辰戌丑 天德合戊 月恩在

日凶 爭雄 亡羸 離別辛未 財離亥

胎神日

雜 三不迈寅未 四虛敗辛卯 往亡寒露後

宅龍在房 咸池日 觸水龍丙子

忌 五不遇申子 四窮辛亥

伏龍西隋 六不成辰 八風辛未丁

蛟龍辰日 九良星大門 反激巳

初一赤口 初二龍禁小空 初三天地凶敗 初四四不祥

初五 初六大空 初七四不祥 初八龍禁

初九 初十小空 十一 十二

十三赤口 十四大空亡 十五 十六四不祥短星

十七短星 十八小空 十九四不祥 二十龍禁

二十一 二十二龍禁大空 二十三 二十四

二十五楊公忌 二十六龍禁 二十七天休 二十八四不祥

二十九 三十大空

甲子金吉

天恩天岳明星普護次吉天富

凶 黑道天火飛廉歸忌四廢土瘟天狗

監曆吉 大小歲對福德時德天巫神在民日

凶 天獄天牢大煞

乙丑金吉

天恩顯星母倉活曜星福生

凶 黑道月殺天罡約絞四廢地火

監曆吉 大小歲對神在

丙寅火吉

天恩曲星司命黃道天德月德上吉

凶 月厭受死死炁官符九空焦坎

監曆吉 大小歲對陽德時陰三合五合七聖

凶 九醜地火臨日徒隸

丁卯火吉

大恩六合聖心五合七聖神在

凶 黑道小耗咸池勾陳大敗五虛

監曆吉 大小歲對守日枝德

凶 無翹土勃大時

戊辰木吉

天恩青龍黃道母倉益後

凶 黑星大耗大敗六不成

監曆吉 大歲對小歲後兵吉天喜七聖神在解

神不將

凶

巳巳木吉

明堂黃道吉慶星續世次吉傳星土王  
后母倉

凶 刀砧血忌重喪天瘟游禍地賊

監曆吉 大歲對執儲明星兵吉七聖陰德

凶 重日伏罪臺司天賊

庚午土吉

天喜月恩要安次吉土王后母倉天倉

凶 黑道刀砧

監曆吉 大歲對天鑿兵吉三合不將鳴吠

凶 天刑不舉

辛未土吉

天德合月德合幽微玉堂母倉

凶 黑道河魁約絞荒蕪

監曆吉 大歲對兵吉神在上吉

凶

壬申金吉

金櫃黃道月空金堂生炁

凶 火星天賊

監曆吉 大歲對天寶明星驛馬時陽四相六儀

七聖神在上吉鳴吠

凶 五離厭對招搖

癸酉金吉

天鑿天德黃道次吉

凶 龍虎血支

監曆吉

大歲對天對明星四相七聖神在官日  
上吉除神鳴吠

凶 五離月害天吏

甲戌建火吉

顯星母倉滿德星龍德

凶 黑道罪至四廢

監曆吉

大小歲位天馬七聖神在

乙亥除火吉

玉堂黃道曲星次吉敬心

凶 四廢

監曆吉

大小歲位天王明星兵寶吉期五富七

聖相日

凶 土符重日五虛劫殺

丙子滿水吉

天德月德上吉天岳明星普護天富福  
德天巫七聖

凶 黑道天火飛廉土瘟歸忌天狗

監曆吉

大小歲位時德民日

凶 天獄天牢大煞

丁丑平水吉

活曜星福生母倉

凶 黑道月殺天罡絢絞地火

監曆吉

大小歲位七聖神在

戊寅定土吉

天瑞司命黃道傳星

凶 月厭死烝官符受死九空焦坎

監曆吉 大小歲位天府明星三合五合陽德時

陰

凶 地火臨日復日徒隸

巳卯執土吉 天恩天瑞天福六合聖心

凶 黑道小耗重喪

監曆吉 大歲位守日上吉枝德五合神在

凶 無翹咸池土勃勾陳大時五虛大敗九

醜

庚辰破金吉 天恩月恩毋倉青龍黃道益後

凶 黑星大耗十惡大敗六不成

監曆吉 大歲對天喜上吉七聖神在解神

凶

辛巳危金吉 天恩天德合月德合上吉天福吉慶星

土王后毋倉續世天瑞

凶 火星游禍刀砧天瘟血忌地賊

監曆吉 大歲對明堂黃道執儲明星兵吉陰德

七聖不將

壬午成木吉 天恩月空要安天喜土王后毋倉大倉

三合天鑿上吉

凶 黑道刀砧天刑九醜

監曆吉 大歲對兵吉四相神在不將鳴吠

凶 不舉

癸未木吉 天恩幽微星母倉王堂顯星

凶 黑道河魁約絞荒蕪

監曆吉 大歲對兵吉四相不將

甲申水吉 金櫃黃道曲星金堂次吉生炁

凶 天賊四廢

監曆吉 大歲對驛馬天后時陽上吉大寶明星

六儀七聖神在王日除神鳴吠

凶 五離厭對招搖

乙酉水吉 天鑿天德黃道

凶 龍虛血支四廢

監曆吉 大歲位小歲前天對明星官日七聖神

在除神鳴吠

凶 五離月害天吏致死九醜

丙戌土吉 天德月德母倉龍德滿德星

凶 黑道罪至

監曆吉 大歲位小歲前天馬兵福神在

凶

丁亥除土吉 玉堂黃道傳星敬心

凶

監曆吉 大歲位小歲前天寶明星吉期兵寶五

富神在相日

凶 土符重日五虛劫殺

戊子馱火吉 天富天岳明星普護上吉

凶 黑道天火土瘟飛廉歸忌天狗

監曆吉 大歲位福德時德天巫七聖民日

凶 天獄天牢大殺復日九醜地囊

巳丑平火吉 母倉活曜星福生

凶 黑道月殺天罡約絞重喪地火

監曆吉 大歲位福生七聖神在

庚寅定木吉 天福天瑞月恩司命黃道

凶 火星月厭受死死炁官符九空焦坎

監曆吉 大歲位天府明星陽德時陰三合七聖

鳴吠

凶 臨日徒隸地火

辛卯執木吉 天福天德合月德合六合聖心

凶 黑道小耗

監曆吉 大歲後小歲位守日天願五合七聖神

在枝德

凶 無翹土勃勾陳九醜五虛大煞

壬辰水破水吉 天福月空青龍黃道顯星母倉益後

凶 黑星大耗大敗六不成

監曆吉 大歲後小歲位天喜兵吉解神四相

癸巳水危水吉 天福明堂黃道續世土王后母倉吉慶

星

凶 血忌天瘟游禍刀砧地賊

監曆吉 大歲後小歲位執儲明星兵吉陰德四

相不將

凶 重日伏罪臺司天賊

甲午金成金吉 天喜要安土王后母倉天倉天鑿

凶 黑道刀砧四廢

監曆吉 大歲後小歲位兵吉三合七聖神在

凶 天刑不舉

乙未金揜金吉 幽微星母倉玉堂

凶 黑道四廢河魁約絞荒蕪

監曆吉 大歲後小歲位兵吉七聖神在

丙申火開火吉 天德金櫃黃道月德傳星金堂生炁上

吉

凶 天賊

監曆吉 大歲後小歲位天對明星官日神在除  
神鳴吠

凶 五離六害天吏

丁酉歌吉 黃道

凶 龍虎血支

監曆吉

凶

戊戌建木吉 毋倉龍德滿德星

凶 黑道罪至

監曆吉 大歲後小歲前天馬兵福七聖

巳亥除木吉 天福王堂黃道敬心次吉

凶 火星重喪

監曆吉 大歲後天王明星吉期兵寶相日五富  
七聖

凶 土符重日五虛劫殺復日

庚子剋吉 天福月恩天岳明星上吉普護天富

凶 黑道天火飛廉歸忌天狗

監曆吉 大歲後天巫民日時德鳴吠對

凶 天獄天牢九虎

辛丑土平吉 天德合月德合福生顯星天福母倉活

曜星

凶 黑道天罡約絞月殺地火

監曆吉 大歲後

壬寅金定吉 司命黃道月空曲星

凶 月厭受死死炁官符九空焦坎

監曆吉 大歲後天府明星三合四相五合七聖

上吉陽德時陰鳴吠

凶 官符臨日徒隸地火

癸卯金執吉 六合聖心次吉

凶 黑道小耗

監曆吉 太歲後守日四相五合七聖枝德

凶 無翹咸池土勃勾陳大時五虛大敗

甲辰火破吉 青龍黃道母倉益後

凶 黑星大耗四廢大敗六不成

監曆吉 大歲後天喜兵吉上吉七聖解神

乙巳火危吉 天福明堂黃道吉慶星續世次吉傳星

土王后母倉

凶 游禍刁砧四廢天瘟血忌地賊

監曆吉 太歲後執儲明星兵吉陽德七聖神在

凶 重日伏罪

丙午水吉 天德月德上吉要安天喜土王后母倉

天倉

凶 黑道刀砧

監曆吉 大歲前小歲對天鑿兵吉三合神在鳴

吠

凶 天刑不舉

丁未水吉 幽微星母倉玉堂

凶 黑道河魁約絞荒蕪

監曆吉 大歲前小歲對兵吉神在

戊申土吉 天赦金櫃黃道上吉金堂生炁

凶 火星天賊

監曆吉 大歲前小歲對天寶明星驛馬天后時

陽王日六儀七聖神在除神

凶 五離厭對招搖伏日

巳酉土吉 天恩天德黃道天鑿

凶 血支龍虎重喪

監曆吉 大歲前天對明星官日上吉七聖神在

除神鳴吠

凶 五離月害天吏

庚戌建金吉

天恩月恩母倉顯星滿德星龍德

凶 黑道罪至

監曆吉 大歲前天馬兵福上吉七聖神在

辛亥除金吉

天恩天德合月德合上吉曲星敬心王

堂黃道天王明星

凶 五虛四窮

監曆吉 大歲前吉期兵寶相日五富

凶 土符重日劫殺九虎

壬子滿木吉

天恩天瑞月空天岳明星普護天富七

聖

凶 黑道天火飛廉歸忌土瘟天狗大殺

監曆吉 大歲後天巫福德時德四相民日鳴吠

對

凶 天獄天牢九醜

癸丑平木吉 天恩母倉活曜星福生

凶 黑道月殺天罡約絞地火

監曆吉 大歲後四相七聖

甲寅定水吉 司命黃道傳星

凶 月厭受死正四廢死炁官符九空焦坎

監曆吉 大歲後天府明星時陽陰德三合五合

七聖鳴吠對

凶 臨日徒隸八專地火

乙卯水執吉 六合聖心

凶 黑道正四廢小耗

監曆吉 大歲後守日五合七聖神在枝德鳴吠

對

凶 無翹咸池土勃勾陳大時九醜五虛大

敗

丙辰土破吉 天德青龍黃道月德母倉益後

凶 黑星大耗大敗六不成

監曆吉 大歲後天喜兵吉上吉神在解神

丁巳土危吉 天福明堂黃道續世吉慶星土王后母

倉

凶 火星游禍血忌刀砧天瘟地賊

監曆吉 大歲前小歲後執儲明星兵吉陰德神

在

凶 臺司天賊伏罪重日

戊午火成吉 天喜要安土王后母倉天倉三合天鑿

凶 黑道刀砧重喪九醜

監曆吉 大歲前兵吉七聖神在不將

凶 不舉天刑四耗

巳未<sup>火</sup>吉 幽微星母倉王堂顯星

凶 黑道河魁約絞重喪荒蕪

監曆吉 太歲前兵吉上吉七聖神在

庚申<sup>金</sup>吉 天福金櫃黃道月恩曲星金堂生炁次

吉

凶 天賊

監曆吉 大歲前驛馬天后天寶明星時陽上吉

六儀七聖王日除神鳴吠

凶 五離厭對招搖八專

辛酉<sup>金</sup>吉 天德合月德合天德黃道天鑿

凶 龍虎血支

監曆吉 大歲前天對明星上吉官日七聖神在

除神鳴吠

凶 五離月害天吏

壬戌<sup>土</sup>吉 月空滿德星母倉龍德

凶 黑道罪至

監曆吉 大歲前天馬兵福四相

癸亥<sup>水</sup>吉 玉堂黃道傳星敬心天王明星

凶

監曆吉

大小歲對吉期兵寶相日四相五富神在

凶

土符重日五虛劫殺

五子滿凶

天牢黑道天火狼籍天殃大殺破敗土瘟歸忌五鬼六不成地隔披麻殺

五丑平

按諸家曆法值天罡大凶百事忌用

五寅定

按值天地爭雄受死百事凶雖有吉神亦當避忌

五卯執吉

祇神黃道聖心守日六合天德

凶

勾陳黑道土勃黑星小禍葬耗七賤滅

五辰破

地兼朝天地殃敗傍四廢小耗山隔按值月破百事大凶雖得吉神亦不可用丙辛年庚辰係十惡大敗

五巳危吉

明堂黃道祇神黃道天黃道紫微星月才續世陰德執儲明星天慶星吉慶星星吉人星貴人星重日兵吉

凶

天殃游福伏罪血忌刀砧土禁人隔

五午成吉

天喜天倉三合要安兵吉

凶

天刑黑道蚩尤黑道天舉天雄天耗天激刀砧天雲不迈魯般殺水隔

五未收

按值河魁又冰消瓦解百事忌用

五申開吉

金櫃黃道祗神黃道福星端日生氣六

儀天寶明星次吉天吉星太陽時陽豐

旺驛馬蹇舉星天慶星天黃道金堂

凶

大歲厭對招搖天賊天狗六不成

五酉閉吉

天德黃道天黃道邑從星天醫天解官

日天對明星天財星地財星神在正陽

凶

天地爭雄天吏天寡致死俠俾龍虎血

支地中白虎斧頭殺水星交月害月火

獨火雷水

五戌建

按諸家曆法值月建百事大凶雖吉神

亦不可用一云封拜襲爵出行不忌

五亥除吉

玉堂黃道祗神黃道天黃道天德星相

日恩星去期四相天星明星天成星天

庫星小微星王福恭安兵寶重日

凶

財離歲空火星劫殺土符財隔

九

方



月

位

戊月天道南行百事向之吉去在西并  
 土炁冲南霜降節后十三日月將過卯位  
 九良星大門宅龍在房伏龍西南  
 此月宜丁甲庚向首月空在壬利堅  
 及安產室藏胎衣並吉秋不作西黑  
 游神霜降后在離游廢殺霜降在酉  
 胎神在門戶牛黃在倉天狗頭郊  
 天狗尾酉天狗霜降后在兌造倉  
 不利飛蕪在子死炁在寅  
 已上二位并鶴神方忌取六畜

占候

季秋行夏令則其國大水冬藏殃敗民多飢噓月令

水潦盛昌在于季夏故行夏令則其國大水亦未

中東井主之也實窖之藏為水所侵故冬藏殃敗

也民多飢噓未土之氣所應也飢者氣窒于鼻噓

者穀發于口皆肺疾以夏火克金故病此也

行冬令則國多盜賊邊境不寧土地分裂月令

取非其有謂之盜毀敗謂之賊皆至陰之類也以

國多盜賊故邊境不寧土地分裂者以為嚴凝之

氣所拆亦丑土之氣所應也

行春令則煖風來至民氣解惰師興不居月令

異為風而春之氣為煖故行春令則暖風來至然

孟夏行春令則曰暴風來格者彼以正陽之月而

煖不足以言之故也此言至而彼言格者以其暴

故與物相抵格也氣煖則解緩寒則縮粟以煖風

來至故民氣解惰也師興不居則以少陽作之而

動故不得止息也此皆辰土之氣所應也

寒露之日鴻鴈不來小民不服爵不入大水失時之

極菊無華土不稼穡汲冢周書

霜降之日豺不祭獸瓜牙不良草木不黃落是謂愆

陽蟄虫不咸俯民多流亡汲冢周書

九月失政三月春風不濟淮南子

若政令苛則夏下霜誅伐不行則冬霜不殺草誅不

原情其霜附木不下地不教而誅其霜反在草下

春秋感精符

九月物不凋三月草木傷博雅

九月日食饑疫布帛貴鹽貴女工貴韓大凶乙巳占及武密

石氏陳卓之說

九月月無光布帛貴虫災文林廣記

九月月食兵起韓國惡文林廣記

月令通文

九月月蝕趙分牛羊災文林廣記

虹以九月出西方大小豆貴文林廣記

虹秋冬出西方色多白占說見十月文林廣記

九月雨雹不利牛馬至地不化臣為奸文林廣記

秋雨雪冰下人憂兵起文林廣記

常以九月上丙日候日旁有變雲其下兵興其日四

方五色雲皆新見其下有謀臣文林廣記

九月雷鳴米穀大貴文林廣記

九月霜不下主來年三月多陰寒田家五行

九月朔日風雨來春旱夏水米貴四時占候

九月朔日晴明萬物不成小雨吉大雨傷禾四時占候

九月朔日風雨春旱夏水麻子貴文林廣記

九月朔日虹見麻貴油貴一云主人災文林廣記

九月朔日值寒露主寒濕不時值霜降主多雨及來

歲饑荒有風雨主來年春旱夏水麻子貴十倍風自

東來半日不止主米麥皆貴田家五行

重九日雨大宜收禾又云重陽無雨一冬晴或謂重

陽霧雨一冬晴謂無雨者音之訛也又九月九日是

雨歸路日有雨來年熟四時占候

九月十三日晴則一冬多晴農占

九月中庚寅辛卯日雨主冬穀貴一倍文林廣記

重陽日晴則冬至元日上元清明四日皆晴雨則皆

雨又主饑荒諺云九日雨未成脯又云重陽濕漉漉

穰草千錢東田家五行

十一十五十九諸神朝玉皇日又十一十五十七十

九日名歲惡之日主有惡風起文林廣記

重陽日占風色卜來年豐歉西北風名范丹口裏風

凶東北風名石崇口裏風吉田家五行

其月上卯日北風來年三七月米貴三倍東風亦然

家塾事親

七月刈禾傷早九月食饅正好豐年之兆家塾事親

跡往

越王無諸于重九日嘗宴于九仙山大石罇尚存山

有四徹亭千秋堂一統志

漢俗九日飲菊酒以祓除不祥風土記

漢武帝宮人賈佩蘭九日佩茱萸食餌飲菊花酒云

令人長壽風土記

汝南桓景隨費長房遊學長房謂曰九月九日汝南

當有災厄急令家人縫絳囊盛茱萸繫臂上登高飲

菊花酒此禍可消景從其言舉家登山夕還鷄犬俱

暴死長房曰此可代之今人九月九日登高是其遺

事續齊諸記

晉宣帝時羗人來獻桑落酒故九月賜百寮飲蓋桑落河出馬乳酒羗人兼蒲萄來獻又河中桑落坊有井毒至桑落時取其寒暄得所以井水釀酒甚佳故庾信詩蒲城桑落酒世說并後史補

晉九月九日馬射或說云秋金之節習武射象立秋之禮晉書

陶靖節潛九月九日無酒于宅邊採菊花盈把望見白衣人至乃王弘送酒飲醉而歸文林廣記

孟嘉為桓溫參軍九月九日溫遊龍山有風吹落嘉帽嘉如廁不覺溫命孫盛作文嘲之置嘉座處嘉還見嘲請筆作荅了不容思文辭超卓四座嘆之孟嘉傳宋武帝為宋公在彭城九月九日登項羽戲馬臺至今相承以為故事宋書

齊武帝九月九日燕群臣于蔣陵岡十道志

唐高宗時凡天子遊幸秋登慈恩寺浮圖獻菊花酒稱壽李適傳

唐武后嘗以季秋出梨花示宰相以為祥眾賀杜景佺曰陰陽不相奪倫瀆即為災今草木黃落而木復

花瀆陰陽也恐陛下布德施令有所虧紊臣位宰相  
助天治物而不知臣之咎也頓首請罪武后曰此真  
宰相也通鑑

則天長壽元年九月大赦改元用九日社賜酺

白孔六帖

唐王勃字子安年十三侍父宦游舟次馬當遇老叟  
曰子非王勃乎來日重九南昌都督命客作滕王閣  
序子有清才盍往賦之勃曰此去七百餘里今已九  
月八日矣夫復何言叟曰吾助清風一席勃謝登舟  
翌日昧爽抵南昌會府帥閻公宴僚屬于滕王閣帥  
有壻吳子章喜為文辭帥欲誇之乃命宿構滕王閣

序俟賓合而出為之若即席而就者賓既集因出紙

筆徧請客莫敢當至勃漫然不辭都督怒起更衣遣

吏伺其文得句輒報報至落霞與孤鶩齊飛秋水共長

天一色乃矍然曰天才也頃而文成帥大悅子章慙

而退帥謝勃五百緡回棹謝叟曰當具菲禮以答神

休叟咲云但遇長蘆焚陰錢十萬足償薄債矣勃如

命為之撫言

唐玄宗開元二年九月丁酉宴京師耆老于含元殿

賜九十以上几杖八十鳩杖婦人亦如之賜于其家

白孔六帖

唐明皇重陽日獵于沙苑有鴈飛帝射中之鴈帶箭西南而去益州道觀第一院有道士徐佐卿寄寓一日自外持一箭來曰吾行山中為飛箭所傷已無恙因掛箭于壁書其月日且云此後十年箭主到此付之後明皇幸蜀至此觀乃見箭

廣異記

唐德宗季秋出畋有寒色顧左右曰九月猶衫十月而袍不為順時朕欲改月謂何左右稱善李程獨曰玄宗著月令十月始裘不可改帝矍然止

唐史

唐德宗以九月九日詔群臣宴曲江自為詩勅宰相擇文人賡和李泌等請群臣皆和帝自第之以劉太真李紆等為上鮑防于邵等次之張滿等為下與擇者四十一人

唐史

唐韋綬罷九月九日德宗為黃菊歌左右曰安可不示韋綬即遣使持往綬時疾遽奉和附進

韋綬傳

韋綬為集賢院學士九月九日晏群臣曲江綬請集賢院學士得別會帝從之

唐書

唐于蓬萊殿九月九日賜群臣橘

風土記

李義山乃令狐楚故吏楚子絢繼相殊不展分重陽日義山詣絢廳事題云曾共山翁把酒扈霜天白菊正披離十年泉下無消息九日樽前有所思莫學漢

臣裁首着還同楚客詠江籬即君官重施行馬東閣  
無由再得窺綯乃閉此廳終身不處

北窓  
瑣言

唐尹氏善歌因重陽與群女戲登南山文峯同輩命  
之歌乃顰眉緩頰怡然一曲聲達數十里故俗者舊

云尹氏之歌聞于長安

江南  
野史

趙宋九日以花醪法酒賜近侍臣

風土  
記

韓忠獻嘗遇重陽置酒私第惟歐陽文忠與一二執  
政而蘇明允乃以布衣參其間鄉人以為異禮

錦繡萬  
花谷

### 考言

歲九旻之暮月肅晨駕而北逝度迴壑以停轅凌孤

館而遠憇何物慘而節哀又雲悠而風厲悴綠繫於  
寒渚墮豐灌於荒滋玩中原之芬菊惜蘭圃之彫蕙  
旌竹栢之勁心謝梧楸之零脆爾乃流眄平隰落日  
還臯千感具盈在物周騷聆離鷗之悽嚮泝鳴林之  
瀏颺彼遊子之苦傷每寤艱於我勞矧集悲而鍾苦  
疚寸心其如忉眇天末以遙瞪怨故鄉之阻遼

傅亮  
九月

九日登陵  
寄館賦

方其寒氣曉集鏘然應急蒺越林巒周流井邑前聲  
未盡後韻相及羈臣之空館屢來思婦之高樓遠入  
無不悵然驚夢歔歔掩泣夫鍾之應霜也應以無心

士之知己也貴知其音不鼓而鳴者其聲遠不言而信者其分深

喬潭霜鍾賦

日之貞矣于彼重陽菊之榮矣于彼華芳含天地之貞氣吸日月之淳光雲布霧合箕舒翼張鬱兮蔓衍郁兮芬芳珉枝金萼翠葉紅芒其在夕也言庭燎之皙皙其向晨也謂明星之煌煌爾其萬里年華九州春色花的粲兮如錦草綿連兮似織當此時也和其光同其塵應春光而早植及夫秋星下照金氣上騰風蕭蕭兮瑟瑟霜刺刺兮稜稜當此時也弱其志強其骨獨歲寒而晚登

楊炯庭菊賦

歲往月來忽復九日九為陽數而月日並應俗宜其名以為長久故以宴享高會是月律中無射言群木庶草無有射地而生者芳菊紛然獨榮非夫含乾坤之淳和本芬芳之淑氣孰能如此故屈平悲冉冉之將老思淪秋菊之落英輔體延年莫斯之貴謹奉一束以助彭祖之術

魏文帝與鍾繇書

時維九月序屬三秋潦水盡而寒潭清烟光凝而暮

山紫

王勃滕王閣序

玉醴澄醪金盤繡餽

李後主登高文

歲方宴矣霜露殘促誰其榮斯有英者菊豈微春華

懿此貞色人之侮我混于薪棘詩人有言好是正直

蕭穎士  
菊榮詩

憑王宅海端宸御天上流飛壑靜震勝川疑神貫極  
擄道漏泉西裘委衽南風在弦暮芝始綵年桂初丹  
上林葉下滄池水寒霜霑玉樹鴈動輕瀾停蹕玉陛  
徙衛旋琤瑯箱鳳綵羽蓋鸞姿虹旌迢遶翠華歲糝  
禮弘灞汭義蓋洛涓

沈約九日侍  
宴樂遊死詩

月殿風轉層臺氣寒高雲歛色遙露已團式詔司警

言戾秋巒輕觴時薦落英可飡

蕭子良九  
日侍宴詩

明明儲后冲默其量徘徊禮樂優遊風尚微言外融

幾神內王就日齊暉移雲等望本茂條榮源澄流潔

漢稱間平周云魯衛咨我藩華方軌前軼秋日在房

鴻鴈來翔寥寥清景霽霽微霜草木搖落幽蘭獨芳

眷言淄苑尚想濠梁既暢旨酒亦飽微猷有來斯悅

無遠不柔

王儉侍皇太子  
九日玄圃宴詩

離光麗景神英春裕副極儀天金鏘玉度監撫昭明

善物宣布惠潤崑瓊澤熙垂露秋晨精曜駕動宮闈

露點金節霜沉玉璣玄戈側衛翠羽翻暉庭迴鶴蓋

水照犀衣蘭羞薦俎竹酒澄芬千音寫鳳百戲承雲

紫鸞躍武赤兔越空橫飛鳥箭半轉虵弓

梁簡文帝  
九日侍宴

遊苑詩

朱明已謝蓐收司禮爰理秋枝備揚旌祭奉璋峩峩  
 金貂濟濟上林弘敞離宮非一綵殿迴風丹樓映日  
 隨珠甲帳屯衛周悉晬容徐動天儀澄謐雲物游颺  
 光景高麗枯葉未落寒花委砌絲桐激舞楚雅閑琴  
 參差繁響殷動流詣梁丘遲九日侍宴樂遊苑詩  
 涼風北起高鴈南翻葉浮楚水草折梁園淒清霜野  
 惆悵晨鷗雲輕寒樹日麗秋原三金廣設六羽高陳  
 寒英始獻涼耐初醇靡靡神襟鏘鏘羣彥思媚儲猷  
 洽和奉宴恩暢蘭席歡同桂殿景遽樂推臨風以春

麗景天枝位非德舉任伍辰階祚均河楚負岳未勝

瞻雲難侶望古興惕心焉載佇沈約為臨川王九日侍太子宴詩

征西天府重九令節駕言龍山宴凱郡哲壺歌雅奏

緩帶輕恰胡為中觴一笑粲蒺梗柎競秀榆柳獨脫

驥駮交驚鴛鴦蹇九蹶楚狂醉亂墮帽莫覺戎服囚首

枯顛茁髮惟明將軍度量宏達容此下士顛倒冠襪

宰夫揚解兕觥舉罰請歌相鼠以侑此爵蘇軾補孫盛嘯孟嘉

落帽文

吾聞君子蹈常履素晦明風雨不改其度平生丘壑  
 散箕踞墮車天全顛沛何懼腰適忘帶足適忘履不

知有我帽復奚數流水莫繫浮雲暫寓飄然隨風非  
去非取我冠明月佩服寶璐不纓而結不簪而附歌  
詩寧擇請歌相鼠罰此陋人俾出童叟蘇軾補孟嘉  
解嘲文  
靡靡秋已夕淒淒風露交蔓草不復榮園木空自凋  
清氣澄餘滓杳然天界高哀蟬無歸響叢鴈鳴雲霄  
萬化相尋繹人生豈不勞從古皆有沒念之中心焦  
何以稱我情濁酒且自陶千載非所知聊以永今朝

陶潛九月  
九日詩

人生歸有道衣食固其端孰云都不營而以求自安  
開春理常業歲功聊可觀晨出肆微動日入負耒還  
山中饒霜露風氣亦先寒田家豈不苦弗獲持此難  
四體誠乃疲庶無異患干盥濯息簷下斗酒散襟顏  
遙遙沮溺心千載乃相關但願長如此躬耕非所歎

陶潛九月中於  
西田穫早稻詩

秋菊有佳色裛露掇其英汎此忘憂物遠我遺世情  
一觴雖獨進杯盡壺自傾日入羣動息歸鳥趨林鳴  
嘯傲東軒下聊復得此生陶潛飲  
酒詩

風至授寒服霜降休百工巢幕無留鷺遵渚有來鴻  
輕霞冠秋日迅商薄清穹聖心眷嘉節鳴鑿戾行宮  
四筵霑芳醴中堂起絲桐扶光迫西汜歡餘宴有窮

謝瞻九日從宋  
公戲馬臺詩

季秋邊朔苦旅雁違霜雪淒淒陽卉腓皎皎寒潭絜  
良辰感聖心雲旗興暮節鳴葭戾朱宮蘭卮獻時哲  
餞宴光有孚和樂隆所缺在宥天下理吹萬群方悅  
歸客逐海隅脫冠謝朝列弭棹薄江渚指景待樂闋  
河流有急瀾浮驂無緩轍豈伊川塗念宿心愧將別  
彼美丘園道喟焉傷薄劣謝靈運九日從宋公  
戲馬臺送孔令詩  
是節協陽數高秋氣已精簷芝逐月啟帷風依夜清  
遠燭承歌黛斜橋聞履聲梁塵下未息共愛賞心并

梁簡文帝九  
日賦韻詩

皇德無與讓重規襲帝勛垂衣化比屋卷領慎為君  
翺飛悅有道卉木荷平分宸襟動時豫歲序屬涼氛  
城霞旦晃朗槐霧曉氤氳鸞和馳八集鳳駕蕭千群  
羽觴歌湛露佻舞奏承雲禁林終宴晚華池物色曛  
踈樹翻高葉寒流聚細文何遜為西豐侯九日  
侍宴樂遊苑詩

六郡良家子幽并遊俠兒立乘爭飲羽倒騎競紛馳  
鳴珂飾華旆金鞍映羈膳羞殫海陸和齊眠秋宜雲  
飛雅琴奏風起洞簫吹曲終高宴罷景落樹陰移微  
薄承嘉惠飲德良不貲取効績無紀感恩心自知

劉苞九月侍宴樂  
遊苑正陽堂詩

帝德峻韶夏王功書頌平共貫  
泂五勝獨道邁三英  
我皇撫歸運時乘信告成一唱  
革鍾石再撫被絲笙  
簧草歸雒木梯山薦王榮時來  
濁河變瑞起温洛清  
物色動宸眷民豫降皇情

梁任昉九日詩

舊事與日遠酒花仍舊香前年  
繡衣客此節過此堂  
侍臣不自高笑解繡衣裳眠雲  
有餘態入鳥不亂行  
我恐雲嵐色損君鞍馬光君言  
此何言今日皆異鄉  
明日非今日下山道路長一從  
下山去天地再炎涼  
此期果難得夢君馬玄黃

鮑溶秋暮山中寄李端公詩

淵明歸去來不與世相逐為無  
杯中物遂偶本州牧  
因招白衣人笑酌黃花菊我來  
不得意虛過重陽時  
題輿何峻發遂結城南期築土  
按響山俯臨遠水湄  
胡人吹玉笛越女彈霜絲自作  
英王胄斯樂不可窺  
赤鯉湧琴高白龜道水夷靈仙  
如彷彿真酹遥相知  
古來登高人今復幾人在滄洲  
違宿諾明日猶可待  
連山似驚波合沓出滄海揚袂  
揮四座酩酊安所知  
齊歌送清揚起舞亂參差賓隨  
落葉散帽逐秋風吹  
別後登此臺願言長相思

李白九日登山詩

九日天氣清登高無秋雲造化  
闢川岳了然楚漢分  
長風鼓橫波合沓感龍文憶昔  
侍遊豫樓船壯橫汾

今茲討鯨鯢旌旆何繽紛白羽落酒樽洞庭羅三軍  
黃花不掇手戰鼓遙相聞劒舞轉頽陽當時日停曛  
酣歌激壯士可以摧妖氛齷齪東籬下淵明不足群

李白九日登巴陵置酒望洞庭水軍詩

少年飲酒時踊躍見菊花今來不復飲每見恒咨嗟  
佇立摘滿手行行把歸家此時無與語棄置柰悲何

韓愈晚菊詩

簷前白日應可惜籬下黃花為誰有客子迎霜未授  
衣主人得錢肯沽酒蘇秦憔悴時多厭蔡澤棲遲世  
看醜縱使登高祗斷腸不如獨坐空搔首

高適九日酬顧少府詩

離宮散螢天似水竹黃池冷芙蓉死月掇金鋪光脉  
脉涼院虛庭空澹白霜花飛飛風草草翠錦爛斑滿  
層道雞人罷唱曉瓏璵鴉啼金井下踈桐

李賀九日樂詞

江總衡州九日詩

園菊抱黃華庭榴剖朱實聊以著書情暫遣他鄉日  
霜威始落翠寒氣初入堂隨珠爛似燭懸黎疑夜光  
舞步因絃折歌聲隨袂揚夜深聞漏緩簷虛覺唱長

王脩巳九日詩

伊昔黃花酒如今白髮翁追歡筋力異遠望歲時同

弟妹悲歌裏朝庭醉眼中兵戈與關塞此日意無窮

杜甫九日登梓州城詩

藜杖侵寒露蓬門啟曙烟力稀經樹歇老困撲書眠

杜甫九月一日過孟十二倉曹十四主簿兄弟詩

秋覺追隨盡來因孝友偏清談見滋味爾輩可忘年

九日應愁思經時冒險難不眠持漢節何路出巴山

杜甫九日奉寄嚴大夫詩

小驛香醪嫩重巖細菊斑遙知簇鞍馬回首白雲間

寒花開已盡菊蕊獨盈枝舊摘人頻異輕香酒暫隨

杜甫雲安九日鄭十八携酒陪諸公宴詩

地偏初衣袷山擁更登危萬國皆戎馬酣歌淚欲垂

舊日重陽日傳杯不放杯即今蓬鬢改但愧菊花開

杜甫詩

北闕心長戀西江首獨回茱萸賜朝士難得一枝來

九日黃花酒登高會昔聞霜威逐亞相殺氣傍中軍

岑參九日登高詩

橫笛驚征鴈嬌歌落塞雲邊頭幸無事醉舞荷吾君

蟋蟀期歸晚茱萸節候新降霜青女月送酒白衣人

杜審言重九日宴江陰詩

月令通攷

卷之十一

五十一

信

今日好相見羣賢仍廢曹晚晴催翰墨秋興引風騷  
絳葉擁虛砌黃花隨濁醪閉門無不可何事更登高  
高適九日宴  
京兆府詩

瑞塔千尋起仙輿九日來黃房陳寶席菊蕊散花臺

御氣鵬霄近升高鳳野開天歌將梵樂空裏共徘徊

宋之問奉和九日登  
慈恩寺浮圖應制詩

鳳刹侵雲半虹旌倚日邊散花多寶塔張樂布金田

時菊芳仙醞秋蘭動睿篇香街稍欲晚清蹕扈歸天

宋之問九月九日登  
慈恩寺浮圖應制詩

金節三秋晚重陽九日歡仙杯還泛菊寶饌且調蘭

御氣雲霄近乘高宇宙寬今朝萬壽節宜向曲中彈

宋之問奉和  
九日應制詩

御氣幸金方憑高薦羽觴魏文頌菊並漢武賜萸囊

去鶴留笙吹歸鴻識舞行年年重九慶日日奉天長

沈佺期九日  
侍宴應制詩

杪秋霜露重晨起行幽谷黃葉覆溪橋荒村唯古木

寒花踈寂歷幽泉微斷續機心久已忘何事驚麋鹿

柳宗元秋曉  
行南谷詩

迢迢江溪路秋色又堪驚半夜聞鴻鴈多年別弟兄

高風雲影斷微雨菊花明欲寄東歸信徘徊無限情

江為秋日  
詠懷詩

節物豈不好秋懷何黯然西風酒旗市細雨菊花天  
感事悲雙鬢包羞食萬錢鹿車終日駕歸去賴東田  
歐陽修  
秋懷詩

九月清霜下中林蕙草寒暮霞多戀態秋色不宜看  
丘壑容吾拙乾坤敢自安古來俱涕淚况復歲華殘  
何景明九  
月詩

亦隨群草出能後百花榮氣為凌秋健香緣飲露清  
細開疑避世獨立每含情可道蓬蒿地東籬萬代名  
李夢陽  
咏菊詩

寶地元依海珠林更假山登臨重九遇城閣五雲還  
歌吹喧侯里邊烽入漢關望鄉歸未得能對菊花斑  
李夢陽九月日  
慈恩寺閣詩

風急天高猿嘯哀渚清沙白鳥飛迴無邊落水蕭蕭  
下不盡長江滾滾來萬里悲秋常作客百年多病獨  
登臺艱難苦恨繁霜鬢潦倒新停濁酒杯  
杜甫登  
高詩

老去悲秋強自寬興來今日盡君歡羞將短髮還吹  
帽笑倩傍人為正冠藍水遠從千澗落玉山高並兩  
峰寒明年此會知誰健醉把茱萸仔細看  
杜甫九月日  
藍田崔氏

詩

重陽獨酌盃中酒抱病起登江上臺竹葉於我既無  
分菊花從此不須開殊方日落玄猿哭舊國霜前白  
鴈來弟妹蕭條各何在干戈衰謝兩相催杜甫九日詩  
去年登高鄆縣北今日重在涪江濱苦遭白髮不相  
放羞見黃花無數新世亂鬱鬱久為客路難悠悠長  
傍人酒闌却憶十年事腸斷驪山清路塵同上

漢文皇帝有高臺此日登臨曙色開三晉雲山皆北  
向二陵風雨自東來閉門令尹誰能識河上僊翁去  
不回且欲近尋彭澤宰陶然共醉菊花盃崔曙九日登仙臺呈

劉明府詩

雲物淒涼拂曙流漢家宮闕動高秋殘星幾點鴈橫  
塞長笛一聲人倚樓紫艷半開籬菊靜紅衣落盡渚  
蓮愁鱸魚正美不歸去空戴南冠學楚囚趙嘏長安秋晚詩

節使橫行西出師鳴弓擐甲羽林兒臺上霜風凌草  
木軍中殺氣傍旌旗預知漢將宣威日正是胡塵欲  
滅時為報使君多泛菊更將絃管醉東籬岑參九日使君席奉

錢衛中丞赴長水詩

江溼秋影鴈初飛與客携壺上翠微塵世難逢開口  
笑菊花須插滿頭歸但將酩酊酬佳節不用登臨歎  
落暉古往今來只如此牛山何必淚沾衣杜牧九日齊山登高詩

征帆高掛酒初酣暮景離情兩不堪千里晚霞雲夢  
北一川霜橘洞庭南溪風送雨過秋寺澗石驚龍落  
夜潭莫把羈魂弔湘魄九疑愁絕鎖烟嵐張泌秋暮  
過洞庭詩  
重陽未到已登臨探得黃花且獨斟客舍喜逢連日  
雨家山似響隔年砧亂來已失耕桑計病後休論濟  
活心自賀逢時能自棄歸鞭唯拍馬韉吟司空圖重  
陽詩  
欲賦前賢九日詩茱萸相閱一枝枝可憐宋玉情何  
限爭似陶潛醉不知綠鬢愛隨風景變黃花能與歲  
時期登臨問處狂多少笑殺丹陽拍手兒李群玉九  
日詩  
晚雨秋陰酒不醒感時心緒杳難平黃花冷落不成

豔紅葉颺颺競鼓鼗背世返能厭俗態偶緣猶未忘  
多情自從雙鬢斑斑白不學安仁却自驚李後主九  
月十日偶  
書  
詩

我醉欲眠卿罷休已教從事到青州鬢霜饒我三千  
丈詩律輸君一百籌聞道即君閉東閣且容老子卧  
南樓相逢不用忙歸去明日黃花蝶也愁蘇軾九日次  
王鞏韻詩

九日陪天仗三秋幸禁林霜威變綠樹雲氣落青岑  
水殿黃花合山亭絳葉深朱旗夾小徑寶馬駐青潯  
苑吏收寒果饗人膳野禽承懼不覺暝遙響素秋砧

沈佺期白蓮  
亭侍宴詩

故里樊川菊登高素滻源他時一笑後今日幾人存  
巫峽蟠江路終南對國門繫舟身萬里伏枕淚雙痕  
為客裁烏帽惜從兒具綠尊佳辰對群盜愁絕更堪論

杜甫九日詩

今日雲景好水絲秋山明携壺酌流霞舉菊泛寒榮  
地遠松石古風揚弦管清窺觴照歡顏獨笑還自傾

落帽醉山月空然懷李太白九日詩

轍跡光周頌巡遊減夏功鉤陳萬騎轉閭闔九門通  
秋暉逐行漏朔氣繞相風獻壽重陽節迴鸞上苑中  
疏山開輦道開樹出離宮玉醴吹花菊銀床落井桐

飲羽山西射浮雲與北馳塵飛金埒滿葉破柳條空

肩吾侍燕九日詩

芳菲能幾時顏色如自愛鮮鮮弄霜曉裊裊含風態  
蕙蘭殞秋香桃李媚春醉時節雖不同盛衰終一致

莫笑黃菊花離根守憔悴歐陽脩拒霜花詩

露花疑始摘羅衣似適薰餘杯度不盡欲持嬌使君

劉孝威九日酌菊花酒詩

九日重陽節開門有菊花不知來送酒若箇是陶家

王勃九日詩

九日不出門十日見黃菊灼灼尚繁英美人無消息

賈島對菊詩

九日茱萸熟插鬢傷早白登高望山海滿目悲古昔

李白九日詩

九日龍山飲黃花笑逐臣醉看風落帽舞愛月留人

李白九日詩

強欲登高去無人送酒來遙憐故園菊應傍戰場開

岑參九日思故園詩

紫菊宜新壽茱萸辟舊邪願陪長久宴歲歲捧香花

趙彥昭九日侍宴詩

白鴈獨橫秋黃花伴醉遊眼看風物換愁殺仲宣樓

李夢陽九日詩

偶爾尋幽上翠微遊人啼鳥似前期花間行印露沾

紙山下放衙雲滿期蔡襄九日遊九仙山詩

九月九日望鄉臺他席他鄉送客盃人情已厭南中

苦鴻鴈那從北地來王勃蜀中九日詩

獨在異鄉為異客每逢佳節倍思親遙知兄弟登高

處遍插茱萸少一人王維九日懷山東兄弟詩

九日東籬採菊英白衣遙見眼能明向今自有盃中

物一段風流可得成韓子蒼九日詩

一夜新霜着瓦輕芭蕉心折敗荷傾柰寒惟有東籬

菊金粟初開曉更清

白居易初霜詩

九日無歡不可追飄然隨意立山陂蔣陵西曲風煙

慘也有黃花三兩枝

王安石九日詩

菊盞茱囊自古傳長房寧復是曜仙應從宋武橫刀

日數到劉公戲馬年

蘇軾九日詩

鴈門九月西風高綿絮萬樹垂金梢清豁千里携贈

我藤筐初蒔香盈包

取律楚材謝人九月贈綿絮詩

九日歡遊何處好黃花萬藥雕欄遶通體清香無俗

調天氣好煙滋露結功多少

日脚清寒高下照寶

釘密綴圓斜小落葉西園風嫋嫋催秋老叢邊莫厭

金樽倒

歐陽脩九月詞

霜降水痕收淺碧粼粼露遠洲酒力漸消風力軟颼

颼破帽多情却戀頭

詩酒若為酬但把清樽斷送

秋萬事到頭都是夢休休明日黃花蝶也愁

蘇軾重陽詞

黃菊枝頭破曉寒人生莫放酒盃乾風前橫笛斜吹

雨醉裏簪花倒着冠

身健在且加飡舞裙歌板盡

清歡黃花白髮相牽挽付與時人冷眼看

黃魯直童陽鷓鴣天詞

### 擴聞

春秋定公元年九月大雩穀梁子曰雩月雩之正也

秋大雩非正也冬大雩非正也秋大雩之為非正何

也毛澤木盡人力未竭未可以零也零月零之正也  
月之為零之正何也其時窮人力盡然後零零之正  
也何謂其時窮人力盡是月不雨則無及矣是年不  
艾則無食矣是謂其時窮人力盡也零之必待其時  
窮人力盡何也零者為旱求者也求者請也古之人  
重請何重乎請人之所以為人者讓也請道去讓也  
則是舍其所以為人也是以重之焉請哉請乎應上  
公古之神人有應上公者通乎陰陽君親師諸大夫  
道之而以請焉夫請者非可託始而往也必親之者  
也是以重之穀梁傳

霜陰陽之氣也陰氣勝則凝而為霜

大戴禮

豐山有九鍾霜降自鳴

山海經

北方白鴈深秋乃來來則霜降謂之霜信

古今詩話

太始形之始也生于戌仲

博雅

九月戌仲號太始屬雌

晉侯伐虢問於卜偃偃對曰克之童謡曰丙之辰龍  
尾伏辰天策焯焯火中成軍虢公其奔其九月十月  
之交乎左傳

唐壽安公主以九月誕遂不出降

酉陽雜俎

開元末江陵進乳柑上以十枚種於蓬萊宮至天寶

十載九月秋結實宣示宰臣曰朕近於宮內種柑子  
數株今秋已來結實一百五十顆乃與江南及蜀道  
所進不異宰臣賀曰雨露所均混天區而齊被草木  
有性憑地氣以潛通故得資江外之珍果為禁中之

華實太真外傳

元符中監城時叟有請于徐神翁告曰爾亟歸九月  
中有道者來宜善待仍布施至期暴客夜集其門時  
悟出迎設酒殺金帛慰遣乃免陵暴徐神翁傳  
劉夢得云九日詩中用茱萸字者凡三人杜甫云醉  
把茱萸仔細看王維云遍插茱萸少一人朱放云學

他年少插茱萸三君所用杜為優又王昌齡茱萸插  
鬢花宜壽戴叔倫插鬢茱萸采未盡盧綸茱萸一朶  
暎華簪權德輿酒泛茱萸晚易醺白居易舞鬢擺落  
茱萸房茱萸色淺未經霜楊衡強插茱萸隨眾人張  
諤茱萸凡作幾番新耿緯髮希那敢插茱萸劉商郵  
筒不解獻茱萸崔櫓茱萸冷吹暖口香周賀茱萸城  
裏一尊前比之杜句俱不侔矣容齋隨筆

凡花者以春盛實者以秋成而菊獨以秋花盛茂於  
風霜搖落之時此其得時者異也有花葉者花未必  
可食而康風子乃以食菊成仙又本草云以九月取

花久服輕身耐老其花異也花可食者根葉未必可食而天隨生陸龜蒙云春苗恣肥得以採擷供左右杯案及夏五月枝葉老硬氣味苦澁旦暮酒黃兒輩拾掇不已又本草云以正月取根此其根葉異也夫以一草之微自末至本無非可食有功於人者加以花色香能纖妙閑雅可為丘壑燕靜之娛然則古人取其香以比德而配之以歲寒之操夫豈偶然而已

哉

菊譜序

茱萸為辟邪翁菊花為延壽客故假此二物以消陽九之厄

仙書

重陽都下賞菊菊有數種酒家縛成洞戶都人多出郊登高前一二日各以粉麵蒸糕遺送上插剪綵小旗糝釘果實如石榴子栗黃銀杏菘子肉之類

風土記

袁師德給事中高之子九日出餠謂坐客曰某不忍

喫請諸公食俛首久之

嘉話錄

洛陽人家重陽作迎涼脯羊肝餅佩瘦水符

金門歲節

二社重陽尚食饅而重陽為盛大率以棗為之或加

以栗亦有用肉者

歲時雜記

僧皎然九日與陸羽煎茶坡詩云明年桑苧煎茶處憶着衰翁首重回桑苧翁羽號也

事文類聚

唐以九日賜晏射蕭瑀不解射箭不着堞歐陽詠之  
有弱手御強弓之句太平廣記

劉夢得欲用饒字作九日詩以五經中無之不復為  
宋子京以為不然故子京九日食饒詩云飈館經霜  
拂曙袍糗資花飲闔分曹劉即不敢題饒字虛負詩  
中一世豪遂為絕唱邵氏聞見錄

九日詩多用落帽事獨東坡南柯子詞云破帽多情  
却戀頭反之尤竒特東柔晉云我欲揀更重整帽肯  
如坡老賦南柯亦反坡意也杜詩不眠瞻白兔百過  
落烏紗東坡閏九月題披雲樓云九日再逢堪一笑

終朝百過更深憂謂短髮不堪落帽也

后山詩話

潤州鶴林寺有杜鵑花或見女子紅裳豔粧遊於花  
下俗傳花神周寶鎮浙西謂道人殷七曰鶴林寺花  
可開副重九乎曰可乃前期往女子來謂曰今為道  
者開花至九日爛熳

風土記

九月九日律中無射而數九俗尚此日折茱萸房以  
挿頭言辟除惡氣為禦初寒

風土記

謝無逸以書問潘大臨近作新詩否荅曰秋來景物  
件件是佳致昨日清卧聞攪林風雨聲遂起題筆曰  
滿城風雨近重陽忽催租人至敗意止此一句奉寄

續

南陽內鄉縣西北有菊潭出析谷東石澗山其水重  
于諸水旁生甘菊九月花開水極甘馨有數十家惟  
飲此水壽多至百歲誌一統

南方花發較北地常先一月獨菊花開最遲菊性宜  
冷也東坡嘗言嶺南氣候不常吾謂菊花開時乃重  
陽故在海南執菊九畹後至冬半始開廼以十一月

望日與客泛酒作重九會云

遯齋問覽

巴邛人家有橘園霜後橘盡收斂有大橘如三斗盎  
巴人異之剖開每橘有二叟鬚眉皓然皆相對象戲

談笑自若一叟曰橘中之樂不減商山但不得深根

固蒂為愚人摘下耳

幽恠錄

民間九日饊上置小鹿數枚號食鹿饊

風土記

九月九日契丹國主打圍斗射虎少者輸重九一筵

席射罷於地高處卓帳與番漢臣登高飲菊酒出兔  
肝生切以生鹿舌醬拌食之北呼此節為必里遲離  
漢譯云九月九日也又以茱萸研酒洒門戶間辟惡

亦有入鹽少許而飲之者又云男摘二九粒女一九  
粒以酒嚥之大能辟惡也遯誌

真臘國遇九月則壓獵壓獵者聚一國之衆皆來城

中教閱于國宮之前真臘風  
上記

月令通攷卷之十一終

